

Yayili

4

SABBU ZALISI



ZULIYA YELTƆYA MINI ņA TUMA

Dagbani sabbu zalisi

PILIGU

Yeyili ņƆ ni, ti yen yulila Dagbani sabbu zalisi. . Ti yen yulila zalisi din jendi bachinamda, bachiniņda, bachizaana ni bachibuyisira. Zalisi din gbubi bachinamda ka ti yen daņ yuli, ka naanyi yuli bachizaana, ka bachibuyisira dolina, ka naanyi ti bachiniņda mini bachiniņdipahira. DimbƆņƆ yen chemi ka yi nya baņsim din jendi zalisi mini tuma din gbubi bachinamda, bachizaana, bachibuyisira, bachiniņda ni bachiniņdipahira Dagbani ni. Zal' sheņa yi ni yen bƆhim maa ni tooi zaņ m-mayisi bal' sheņa kamani Silimiinsili.

BƆhimbu sodolisi

1. Nammi yeltƆya ka di doli bachinamda mini bachizaana sabbu zalisi.
2. Nammi yeltƆya ka di doli bachibuyisira sabbu zalisi. 3. Nammi yeltƆya ka di doli bachiniņda mini bachiniņdipahira zalisi

Teh' gahinda

- Bachinamda tumdi bachikpani tuma, niņsimdeera, din kahigira ni yeltƆyiņmasƆyu zuyu.
- Bachizaana gba tooi nye bachikpana bee niņsimdeera yeltƆya puuni.
- Bachibuyisira kahigirila bachinamda. Di tooi dooni bachinamdi' sheņa di ni buyisiri maa nyaņa Dagbani ni.
- Bachiniņda wuhirila niņsim bee bihigu. Dagbani puuni, kalinli mini bachiniņda dii bi sayiri n-tiri taba, amaa saha sheņa beni ka di sayira. Bachinamda mini bachiniņda sabirimi waligiri taba.
- Bachiniņdipahira kahigirila bachiniņda ka ni tooi lahi kahigi di taba gba.

BACHINAMDA

Yayili din garila ni, ti daa yuli bachinamda. Ti daa ti bachinamda shehira ka kahigi na pubu.

Taha bõhigu: A ni tooi tei bachinamda balibu maa? Sabimi na n-sõn.

Bachinamda nyela yuya bachinima n-ti niriba, luy' sheña, biñkõbiri ni binyera. Yeltõya tooi mali bachinamdili di puuni waawaayili. Bachinamda tooi chani ni bachibura kamani 'maa' bee 'la'.

Bachizaana

Bachizaanili nyela bachi din ni tooi zani bachinamdili zaani kamani n, m, ma o, a, mani etc. Di ni tooi tum bachinamdili yeltõyigmasõyu tuma.

Baɓma: Ghana bala pam ni bachizaana bi wuhiri payitali bee dotali. Lala n-nye li Dagbani ni? Che ka a mini a kpee zamzam li ka yeli yi karimba.

Bõhimbu na puuni ti yen yulila zalisi din gubi bachinamda mini bachizaana.

Tuma

Yulimi sinii maa ka yeli a taha ni nye sheli zaɓ kpa bachinamda tuma polo n-ti a taba.

[function of nouns YouTube video - \(https://www.youtube.com/watch?v=rURutv7N_ns\)](https://www.youtube.com/watch?v=rURutv7N_ns)

Pumpõnõ, zaɓmi a ni bõhim sheli sinii maa ni mini nan doya na:

Bachinamda nan nye bachikpana

1. Zalisi din gubi bachinamda zaɓ nam yeltõya nyela din wali Ghana zuliya bala ni. Bachinamda tooi tumdi tuma kamani:

a. Bachikpani yeltõyili ni

Bachinamda tooi dooni bachikpani dooshee. Dina n-nye piligu bachi bala pam ni, balle bal' sheña nan yeltõya biehiyu nye Bachikpani Bachiniɗdili Niɓsimdeera. Shehira:

i. **Azima** chaɓ cheechi.

ii. **Bukunima** mali liyiri.

iii. **Baɗsim** n-nyε yelli kam.

Shehira ɗan do zuɗusaa ɗo ni ti nya ka bachinamda Azima, bukunima ni baɗsim nyela ɗan do bachikpani dooshee.

b. Niɗsimdeera yeltɔyili ni (niɗsimdeera bee niɗsimdeeripaa)

Bachinamda tooi tumdi niɗsimdeera tuma yeltɔya ni. Shehira:

i. Ti da **buku** n-ti Sana (Niɗsimdeera).

ii. N zaɗ pen n-ti **Dawuni**. (Niɗsimdeeripaa).

iii. Yakubu ku **bu**a. (Niɗsimdeera).

iv. Mandeeya da pini n-ti **Hakim**. (Niɗsimdeeripaa)

c. Bachinamda lahi tooi tumdi kahigibu tuma Dagbani ni. Dimbɔɗo nyela bachinamdili din kahigiri di bachinamdi kpee. Shehira:

i. **Lɔba** gbambila maa be Rashid sani.

ii. **Shikuru** maa karo maa yɔmi.

iii. Be dala **gbaj** baaji.

d. Bachinamdili yeltɔyiɗmasɔyu zuɗu: Bachinamdili ni tooi nyε bachinamdili yeltɔyiɗmasɔyu zuɗu. Shehira:

i. **Pennima** mali liyiri.

ii. **Du'** palli maa tulimi.

iii. Ti be **yija**.

iv. **Yili** karili n-lu zuɗo.

Bachizaana tooi tumdi:

a. Bachikpana yeltɔya puuni:

i. N chaɗ shikuru.

ii. **Ti** yuuni sinii biεyu kam.

iii. **Be** laya ni suhupielli.

b. Bachizaana ni tooi lahi nyε niɗsimdeera yeltɔya ni (niɗsimdeera bee niɗsimdeeripaa). Yulimi shehira ɗan do gbunni ɗo.

i. Yakubu nya **o**. (niɗsimdeera)

- ii. Sana zaŋ pen n-ti **o** (niŋsimdeeripaa)
- iii. Sana ti **o** pen (niŋsimdeeripaa).
- iv. Karimba maa ti **ti** mi yiŋa tuma (niŋsimdeera).

Tuma

1. Buyisimi bachinamdili ni nye sheli ka ti di shehira pia. Zaŋmi a labisibu maa n-wuhi karinzon maa zaa.
2. Layimmiya niriba ayiyi n-sabi bachinamda tuma diba ayiyi. Layimiya ni niriba ayi sheba gba ka yi zamzam li yi bon maa puuni.
3. Kahigima bachizaanili ka ti di shehira pia. Zaŋmi a labisibu maa n-wuhi karinzon maa zaa.
 - a. Karimmiya lahibali din doli no na yi bona puuni ka ban bachinamda mini bachizaana nan be di ni.
 - b. Yihimi bachinamda diba anu a ni ban lahibali maa ni maa n-nam yeltay' bobigu. Maalimi shili n-zaŋ a labisibu maa n-ti kariŋ zon maa ka yi zamzam li.
 - c. Yihimi bachizaana diba ata a ni ban lahibali maa ni n-nam yeltaya. Maalimi shili n-zaŋ a labisibu maa n-ti kariŋ zon maa ka yi zamzam li..

Bahi

Bahi nyela binkob' sheba ban yoli pam ka di wubisiri ba ti yinsi. Be nyela ban mali zuliya bobigu ni biehi kankoba, zaa ni ko' kankoba. Be nyela naba anahi binkobiri ban yi yobahi ban be moyuni la zuliya ni na. Ninsalinima ban daa dan tooni na ni daa baligi baa ni be gori moyu, be daa be ni ninsalinima ka daa lebigi hali ka be mini ba ti be. Be nyela ban banɗi ninsala biebigu kamani yurilim, suhuyiyisili mini dabiem ka tooi banɗi daadam vienyela.

Bahi nyela ban mali nyom zeyu pam. Be lahi tooi nyela ban wumdi pam. Din ti bahi dariza pam nyela be ni tooi wuhi ba ka be tum tuma balibubalibu. Tumtumdi bahi nyela ban ni tooi son nintarimba bieyu kam, ka bahi ban nye balima bahi mi ni tooi son ninvuy' sheba ban mali suhusayingu. Be lahi mali bahi m-bori ka faari ka banɗi binsheŋa mazina ni ku tooi bo. Dimini bahi kuli sonɗi daadama vienyela no maa zaa yoli, be nyevuli wayilim kuli nyela yuum pia zaŋ chaŋ pia ni anu.

Dimini be mali dariza zaŋ kpa tuma polo ŋɔ maa zaa yoli, dunia luy' sheŋa polo bahi nyɛla be ni yuuni sheba ka be nyɛla daŋ puuni niriba.

Tuma

1. Baŋmi bachi sheŋa ŋan gbuna ni booi ŋɔ tuma. Zaŋmi a labisibu maa m-mayisi a taba dina.
 - a. Shikuribihi ban mali baŋsim maa sa goya sohila.
 - b. N tahi liyiri n-ti Gariba.
 - c. Karimba maa sabila dukpinsabiri' palli maa zuyu.
 - d. Be chaŋ Navrongo.
 - e. Paasinja maa da boroboro n-ti o.

LABILIHİ BŪHISI

1. Zaḡmi a maḡmaḡa bachinima n-kahigi wuhi bachinamdili din kahigiri ni nye sheli. Timi shehira diba ayi ka zaḡ ḡa n-wuhi a kpee.
2. A karimba ni ti a lahibali din mali muḡisigu di puuni. Karimmi lala lahibali maa ka baḡ muḡisigu sheḡa ḡan be di puuni.
3. Kahigimi bachizaana tuma ni nye sheḡa Dagbani ni. Zaḡmi ḡa mayisi bal' sheḡa a ni mi bee a ni ni tooi bŷhim.
4. Zaḡmi shehira diba anunu n-wuhi bachinamda ni tooi nye yeltŷḡiḡmasŷri zuyiri shem Dagbani ni. Zammi ḡa wuhi kariḡ zŷḡ ni.
5. Pumiya niriba ayiyi n-sabi yeltŷḡa piapia ka bachizaana nye di bachikpana ka kahigi di ni sabiri shem Dagbani ni. Zaḡmi ḡa mayisi bal' sheḡa Ghana ka zam ḡa kariḡ zŷḡ ni.

LABILIHİ BŪHISI LABISIBU

1. Bachinamdili din kahigiri nyɛla din kahigiri di bachinamdi taba. Bachinamdili din kahigiri n-tooi daŋdi tooni na pɔi ni bachinamdi' shɛli di ni kahigiri maa. Shɛhira: **Shikuru** gooni maa lumi.
2. Di labisibu dolila lahibali shɛli a karimba maa ni ti. Bɔhimi a karimba ka o ti a labisibu zaŋ ti bɔhisi maa. Zaŋmi li mayisi a tuma maa.
3. Bachinamda ni nyɛ yɛltɔyɛnmasɔri zuɣiri shɛm.
Shɛhira
 - a. N nya **ti'** wayinli maa.
 - b. Bɛ kɔhi **loori** kurili maa.
 - c. Pukpara maa kɔhiri **tipum'** maha.
 - d. **Yili** kurili ni biɛhigu dii bi simdi.
4. Ghana bali shɛŋa puuni, bachizaana mini bachiniŋda sabirimi n-layindi taba ka bali shɛŋa mi wandi ŋa sabira. Shɛhira, Akan, Ga, Ewe sabirila bachizaana mini bachiniŋda n-layinda bachikpani dooshee, ka Dagbani, Gurene etc. mi bi sabiri ŋa n-layinda bachikpani dooshee.

KARIMBU DIN ZILIMA:

1. Fromkin, V. & Rodman, R. & Hyams, N. (2007) Introduction to Language. (Eighth edition) Thomson Wadsworth.
2. Noun Functions in English Grammar with Examples

BAŊSIM

Yi daa pun bɔhim bachibuɣisira ni nye sheli. Laɣimmiya bɔŋbɔŋ n-nam yeltɔya diba atata ka di buɣisiri ŋan doya ŋɔ:

- a. A kariŋ zɔŋ
- b. A zosumo
- c. A shikuru dundɔŋ
- d. A dɔyim

Bachibuɣisirili nyela din buɣisiri bee din kahigiri bachinamdili. Bachibuɣisira malimi kahigiri bee n-wuhiri nira bee bini biebigu bee ka di mali ŋa m-mayisiri taba. Shehira:

- a. Adam yuri ya' **kura**.
- b. Bidibiga maa nyela zay' **wayili balli**.
- c. Suhudoo **valim** n-gari o tuzodoo.

Ti yi yuli (a), bachi **kura** buɣisirila yil' sheli Adam ni yura. Ti yi yuli (b) ni, bachinima **wayinli** mini **balli** buɣisirila bidibiga maa zaa bee o biebigu ni nye sheli. Ka (c) puuni mi, bachi **valim** malila Suhudoo mini o tuzodoo m-mayisiri taba.

Bachibuɣisira sabbu zalisi/tuma

Zalisi din jendi bachibuɣisira zaŋ nam yeltɔya bela kɔŋkɔba Ghana bala puuni.

Zalisi din gbubi bachibuɣisira sabbu Dagbani ni:

1. Di kahigiri bachinamdili yeltɔyili puuni. Shehira:
 - a. War' **sabinli** maa guuri n-nyaŋ o taba maa.
 - b. N nyala yili **karili**.
2. Di kanimina bachinamda sheŋa di ni buɣisiri maa nyaŋa Shehira:
 - a. Yili **sabinli** maa luya.
 - b. Pay' **karili** kuli yiŋa.

Yi daa pun bɔhim bachibuɣisira balibu. Di shehira sheŋa n-do gbunni ŋɔ:
N-zaŋ bachibuɣisira ŋan tiriti n-nam yeltɔya.

- a. *Loori ŋɔ nyela zay' palli.*
- b. *Lala yili maa nyela m ba dini.*

N-zaŋ bachibuɣisira ŋan mali binyera mayisiri taba n-nam yeltɔya.

- a. Bindirigu ŋɔ maa **daa bala**.
- b. A liyiri **pɔri n-gari** n dini.

N-zaŋ bachibuɣisira ŋan wuhiri galisim zaŋ n-nam yeltɔya.

- a. N dala shinkaafa **bela**.
- b. Bukunima **galisiya** n daadaka ni.

N-zaŋ bachibuɣisira ŋan buyisira/kahigiri n-nam yeltɔya.

- a. Loori maa nyela zaɣ' kurili.
- b. Bindirigu maa mali **kore**.

Tuma 1 (niriba ayiyi tuma):

1. Yulimi bachibuɣisira ŋan do gbunni ŋɔ. Zaŋ ŋa nam yeltɔya. A yi ni tooi, nammi yeltɔɣ' bɔbigu bee hali yeltɔɣ' nabira.
 - a. Viɛnyela
 - b. Niŋ' chɔyimbo
 - c. Suhuyiyisili
 - d. Kurumbuni ni
 - e. Karili
 - f. Pielli
 - g. Neei
 - h. Yurilim
 - i. Biŋkurili
 - j. Wahala
2. Pumpɔŋɔ a mini a kpee bɔhimmi shehira ŋɔ biɛhigu. Bɔ ka a kpahim? Malimi shili n-zaŋ a ni kpahim binsheli n-wuhi karinduu maa.

Tuma 2

1. Timi bachibuɣisira shehira pia.
2. Zaŋmi bachibuɣisira anu n-nam yeltɔya balibu sheŋa ŋan do gbunni ŋɔ.
 - a. Yeltɔɣ' gaŋa

- b.** Yeltɔy' bɔbigu
 - c.** Yeltɔyinabirili
- 3.** Zañmi shehira sheɲa a ni sabi maa n-wuhi zal' sheɲa ɲan jendi Dagbani bachibuyisira zaɲ tum tuma.

LABILIHİ BŪHISI

1. Karimmi lahabal' sheli din do gbunni ɲɔ ka yihi bachibuyisira pia di puuni.

Niriba pam nya ti tuma ni sayindi ti tɪngbani namtieri. Tɪngbani namtieri gubu tu ni di nyela din kpa talahi n-ti ti zaɣ' yino kam. Amaa, niriba biela m-mali baɲsim bielifuu zaɲ jendi tɪngbani namtieri vienyelɪŋga gubu. Ti baya ka biɛhigu nyela din pahiri sɔɲdi sayindi tɪngbani namtieri biɛyu kam. Shehira, sayiri labibu luyilikam yiriɲyiriɲ, sayiri kpaai bahi, lɔbanima labibu yiriɲyiriɲ, ni ɲan pahi. Di yi niɲ ka biɛh' yoya ɲɔ yi bi che, saha ni ti kana zɛman' sheɲa ɲan be tooninima ni ti nya muyisigu sheɲa ti m-baya ka biɛhigu ɲɔ zuyu. Dinzuyu di kpala talahi m mini a zuyu ni ti niɲ ti kpaɲ maɲa tatariga n-tuhi gu ti tɪngbani namtieri. Di nyela ti zaɣ' yino kam tuma ni ti yiyisi zani n-tayi ka gu Naawuni ni ti ti namtieri sheli maa. Muyisigu sheɲa ti ni tooi kuli nyari ti biɛh' yoya puuni zaɲ chaɲ tɪngbani namtieri polo n-nyɛ kokpiɛyu saha kam, ko n-lu, din kam pahi.

2. Zaɲmi di ni nya bachibuyisira sheɲa maa n-nam yeltɔyinabira pia.

LABILIHİ BŪHISI LABISIBU:

1. Karimmi lahabal' sheli din do gbunni ŋɔ ka yihi bachibuyisira pia di puuni.
 - a. yoya
 - b. yino
 - c. namtieri
 - d. zuyusaa
 - e. biɛla
 - f. biɛlifuu
 - g. vienyela
 - h. mbaya ka
 - i. biɛyukam
 - j. yiriŋyiriŋ
 - k. biɛyu
 - l. sɔhibiɛyu ni
 - m. sahakam
2. Zaŋmi di ni nya bachiɣisira sheŋa maa n-nam yeltɔyinabira. Ɗan do gbunni ŋɔ nyela shehira sheŋa.
 - a. Kolibu nyela din pahi a **biɛyu kam** tuma ni.
 - b. M-bi tiri jilima nyela hal' **biɛyu**.

EXTENDED READING:

1. Adomako, K., Odoom, J. and Sackitey, M. (2023). Akan kasa nhyehyɛɛ wɔ Asante Twi mu. Adonai Publications Limited (Topic on verbs, nouns and adjectives)
2. Amegashie, S.K. (2004). Euegbe ɛɔɛɔ. Aflao: Victus Printing Services, Market Square
3. Fromkin, V. & Rodman, R. & Hyams, N. (2007). Introduction to Language (Eighth edition). Thomson Wadsworth. (topic on verbs, adverbs, nouns and adjectives)
4. Joshi, M. (2021). Nouns in the English Language: Types and examples. Manik Joshi. (Topic on nouns)
5. Thakur, D. (1998). Linguistics simplified: Syntax. Delhi: Bharati Bhawan. (open word class which are nouns adjectives, verbs and adverbs)

BACHINIŊDA

Zaŋ chaŋ dimbɔŋɔ ti yen naai, a ni tooi nam yeltɔya n-doli Dagbani bachiniŋda mini bachiniŋdipahira sabbu zalisi.

N-zaŋdi Dagbani bachiniŋda mini bachiniŋdipahira sabiri yeltɔya tu ni di mali zalisi. Zalisi ŋɔ sɔŋdi ka sabbu ni tiri ŋun karindi lahibal' sheli pe n-doli taba vienyela. N-zaŋdi sabbu zalisi tumdi tuma Dagbani ni ni sɔŋ a ka a nam yeltɔy' sheŋa ŋan mali gbunni.

Pɔi ka ti paai zalisi maa, cheliya ka ti teei ti mansi binsheli din nye bachiniŋda. Yulimiya shehira sheŋa ŋan do gbunni ŋɔ. Bachi sheŋa ŋan gbunni booibooi nyela bachiniŋda.

1. Pukpara maa **maanila** palo yuuni kam kɔbu saha,
2. Bihi maa **chanila** shikuru be naba Alizumma dali kam.
3. Ti **ŋmeri** bolli asiba kam ni ti zim tiligi.

Bachiniŋdili nyela bachi, bee yeltɔyiŋmasɔyu sheli di ni mali m-buyisiri tuma, biɛhigu bee niŋsim. Bachiniŋda nyela ŋan be yeltɔyili yay' sheli din mali niŋsimdeera di puuni. Yaha, bachiniŋdili n-nye yeltɔyili yay' sheli din mali bachiniŋdili di puuni maa zuyu.

Bachiniŋda zaŋ nam yeltɔya zalisi

Zuliyanima zal' sheŋa ŋan jendi bachiniŋda zaŋ tum tuma waliya. Zalisi maa sheŋa m-bɔŋɔ:

1. Bachiniŋda wuhiri bachikpani ni tumdi tuma yeltɔyili puuni. Shehira:
 - a. Baa maa **wahirila** saamba saha kam.
Kpe, bachiniŋdili **wahirila** yeri ti la tuun' sheli bachikpani maa, 'Baa maa' ni tumda saha kam.
 - b. Shikurubihi maa **barimi** chani shikuru asiba kam.
Bachiniŋdili **barimi** yeri ti la bachikpani maa 'Shikurubihi maa' ni tumdi tuun' sheli.
2. Bachiniŋda wuhiri bachikpani biɛhigu yeltɔyili puuni. Shehira:
Azindoo **nyela** doo.
Kpe ŋɔ, bachiniŋdili 'nyela' yerila bachikpani maa 'Azindoo' biɛhigu.

3. Bachiniɗda tumdilia bachikpani tuma yeltɔyili yay' sheli din mali niɗsimdeera. Shehira:

a. Loori maa guuri yayi.

Bachiniɗdili 'guuri' n-nyɛ yeltɔyili maa yay' sheli din mali niɗsimdeera maa 'guuri yayi' bachikpani.

b. Shikuurubihi maa **bari** n-chani shikuru asiba kam.

Kpe yaha bachiniɗdili maa 'bari' n-nyɛ yeltɔyili maa yay' sheli din mali niɗsimdeera maa 'bari n-chani shikuru asiba kam' bachikpani.

Baɗma: Bachinamda sabbu Ghana zuliya sabbu puuni zal' sheɗa gba beni. Di shehira sheɗa n-doli ɗɔ na:

4. Dagbani ni, di bi sabiri bachiniɗda m-pahiri bachizaana ni, di sabirila bachiniɗda ka ɗa za ɗa ko ka che bachizaana yeltɔyili puuni. Shehira:

a. O di sayim.

Kpe ɗɔ, bachizaanili 'O' bachikpani maa waligimi sabi ka che bachiniɗdili 'di'.

b. Be da bua.

Shehira ɗɔ puuni, bachizaanili 'Be' waligimi sabi ka che bachiniɗdili 'da'.

Tuma 1.

Zaɗmi a maɗmaɗa bachinima n-wuhi binsheli din nyɛ bachiniɗdili. Timi bachiniɗda shehira pia.

Tuma 2

Zaɗmi shehira sheɗa ɗan be (Tuma 1) n-nam yeltɔya anu yini kam ɗan do gbunni ɗɔ.

- a. yeltɔy' gaɗa
- b. yeltɔy' bɔbigu
- c. yeltɔy' nabira.

Tuma 3 (Niriba ayiyi tuma)

1. Yulimi bachiniɗa pia ɗan do gbunni ɗo. Zaɗmi ɗa nam yeltɔya. A yi ni tooi, nammi yeltɔy' bɔbigu bee hali yeltɔy' nabira. Shehira maa zaa nyela niɗsim sheɗa ɗan ka yeltɔyili puuni— a ni tooi tayi li doli bachikpani maa.
 - a. N-tahi
 - b. N-zi
 - c. N-yu
 - d. N-nyo
 - e. N-leei
 - f. N-tuui
 - g. M-bɔhim
 - h. N-je
 - i. N-shihi
 - i. N-vuhi/guhi

Pumpɔɗo a mini a kpee bɔhimmi shehira ɗo bieɗigu. A shehira maa lu n-zahim zal' sheɗa a ni bɔhim baɗsim yayili ɗo maa ni? Malimi shili n-zaɗ a ni kpahim binsheli n-wuhi karinduu maa.

Tuma 4

- a. Wuhimi bachiniɗa bal' sheɗa a ni bɔhim baɗsim yayili ɗo ni.
- b. Timi bachiniɗa sheɗa a ni bɔhim maa shehira dibaanu ka zaɗ shehira sheɗa a ni ti maa puuni yini balibu yini kam puuni n-nam yeltɔyili.

Tuun' sheli Din Pahi

Pumiya bɔɗbɔɗ n-wuhi bachiniɗa sabbu yeltɔya zalisi baɗsim bɔhimbu yayili ɗo. Shehira:

- a. Bachizaanili yi do bachikpani dooshee.
- b. Bachizaanili yi do niɗsimdeera dooshee.

Bachiniɗdipahira

Ti na kuli yoli yulila zal' sheɗa ɗan jendi bachiniɗa zaɗ nam yeltɔya. Pumpɔɗo, cheliya ka ti yuli bachiniɗdipahira zaɗ nam yeltɔya zalisi.

Yi teei bachiniᅇdipahira ni nye sheli?

Bachiniᅇdipahirili nyela bachi bee yeltɔyihmasɔyɔ din kahigiri bachiniᅇdili bee di bachiniᅇdipahirili kpee din wuhiri luy' sheli, saha, niᅇsim ni niᅇ shem, ᅇan pahi. Yeltɔy' sheᅇa ᅇan do gbunni ᅇɔ nyela ᅇan zaᅇ bachiniᅇdipahira shehira n-tum tuma yeltɔya maa puuni:

1. Be kana **kpe**. (luy' sheli)
2. **Asiba** kurugi ayɔpɔi ka ti paai. (saha)
3. Be ᅇmeya ni **suhupielli**. (niᅇsim ni niᅇ shem)

Bachiniᅇdipahira sheᅇa ᅇan be yeltɔy' sheᅇa ᅇan do zuyusaa ᅇɔ n-nye; **kpe**, **asiba**, ni **suhupielli**.

Zalisi/tuma

Zuliyanima zalisi ᅇan jendi bachiniᅇdipahira zaᅇ tum tuma yeltɔya ni waligiya ka che taba.

Zalisi/tuma sheᅇa m-bɔᅇɔ:

1. Bachiniᅇdipahira n-nye bachiniᅇdipahira yeltɔyihmasɔri zuyɔ. Shehira.
 - a. Dabba maa yerila **yomyom**.
 - b. Sinii maa daa bi naai **vienyela**.

Bachiniᅇdipahira **yomyom** mini **vienyela** nyela ᅇan tumdila bachiniᅇdipahirili yeltɔyihmasɔri mini bachiniᅇdipahira yeltɔyihmasɔri zuyuri zaa.

2. Da kahigiri bachiniᅇdipahirili. Shehira.
 - a. Be ᅇmeri **vienyela pam**.
 - b. Shikurubihi maa kpaᅇ be maᅇa **yayi zaa**.
3. Yeltɔy' sheᅇa ᅇan do zuyusaa ᅇɔ puuni, bachiniᅇdipahirili **pam** kahigirila **vienyela** ka **zaa** mi gba kahigiri **yayi**.

Tuma 1

- a. Yi bɔᅇbɔᅇ puuni wuhimiya binsheli din nye bachiniᅇdipahirili ka zaᅇ yi labisibu m-mayisi yi taba ban miri ya ka bɔᅇ yini puuni ni.

- b.** Timi Dagbani bachiniᅇdipahira shehira pia.

Tuma 2

Zaᅇmi shehira sheᅇa ᅇan do (a) puuni n-nam yeltᅇya balibu ᅇan do gbunni ᅇᅇ yini kam yeltᅇya anu:

- a.** yeltᅇy' gaᅇa
- b.** yeltᅇy' bᅇbigu
- c.** yeltᅇy' nabirili

Tuma 3 (Niriba ayiyi tuma)

- 1) Yulimi bachiniᅇdipahira pia ᅇan do gbunni ᅇᅇ. Zaᅇmi ᅇa n-nam yeltᅇya. A yi ni tooi, kraᅇmi a maᅇa ka a nam yeltᅇy' bᅇbigu bee hali yeltᅇy' nabira.
 - a.** Kahikahi
 - b.** Zuᅇᅇ
 - c.** Kpe
 - d.** Vielli
 - e.** Yomyoma
 - f.** Biᅇyuni
 - g.** Sambani ni
 - h.** Zaa
 - i.** Waawaayili
 - i.** Pumpᅇᅇᅇ

Pumpᅇᅇᅇ a mini a kpee bᅇhimmi shehira ᅇᅇ biᅇhigu. A shehira maa lu n-zahim zal' sheᅇa a ni bᅇhim baᅇsim yayili ᅇᅇ maa ni? Malimi shili n-zaᅇ a ni kraᅇim binsheli n-wuhi karinduu maa.

LABILIHİ BŪHISI

1. Karimmi lahabal' sheli ŋan do gbunni ŋo vienyela ka yihi **bachiniŋda** mini **bachiniŋdipahira** zaa.

Be ni daa kuli niŋ yomyom n-naai be tuma, be daa maai be maŋa n-labi lihi binsheli kam, m-mali binsheli kam n-zali dede. Be daa naan yi zaŋla be tuma n-ti ka zuyu babo kani be ni mi ni be tum tuma maa be kpaŋmaŋa tatariga zuyu. Karimba maa daa vihi tuma maa zaa vienyela, n-guhindi o zuyu n-sayi ti tuma maa vienyela tumbu. Shikurubihi maa la lamushimushi ni suhupielli ka nya be kpaŋmaŋa.

Zaŋmi bachiniŋda mini bachiniŋdipahira sheŋa a ni nya lahabali ŋo puuni n-nam yeltɔya anu ka ŋa doli a ni bŏhim zal' sheŋa maa.

LABILIHİ BŪHISI LABISIBU

bachiniŋda --- n-naai, labi lihi, m-mali, n-ti, vihi, n-guhindi, la.

bachiniŋdipahira--- yomyom, dede, vienyela, suhupielli.

Sabimi yeltɔya ka ŋa jendi lahabal' sheli a ni karim.

KARIMBU DIN ZILIGI

1. Owu-Ewie C. (2020). Mfantse kasa ngyegyee na kasa mbra ho adzesua buukuu ma nsowdo skuul esuafo. Shine Prints Company Limited.
2. Ago, S.A. (1992). Agoo. Ghana Publishing Company.
3. Amartey A.A. (1966). Omanyeba. Bureau of Ghana Languages.

REFERENCES

1. Haspelmath, M. (2001). Word classes and parts of speech. In International Encyclopedia of the Social and Behavioral Sciences (pp16538-16545). Doi:10.1016/Bo-08-043076-7/02959-4
2. Lier, E. V. (2024). The Oxford handbook of word classes (Oxford handbook). Oxford University Press.
3. Miguel, J., M. G. (2015). Transitivity and word classes. <https://doi.org/10.1075/ivitra.9.13gar>
4. Prempeh, A. A. (2021). Asante Twi Nyansapo. Premsco Publications.
5. Simone, R. & Masini, F. (eds). (2014). Word classes (Current issues in linguistic theory). John Benjamins Publishing Company.

ACKNOWLEDGEMENTS



Ghana Education Service (GES)

